

皮子文藪

二

蘇子學齋

PDG

皮日休文集卷第六

文數

箴

六箴序

心箴

口箴

耳箴

目箴

手箴

足箴

動箴

靜箴

酒箴并序

食箴并序

六箴序

皮子嘗謂心為己帝耳目為輔相四支為諸侯已  
帝苟不德則輔相叛諸侯亂古之人失天下喪家  
國者良由是也帝身且不德能帝天下乎能主家  
國乎因為心口耳目是箴書之于紳安不忘危

慎不忘節窮不忘操貴不忘道行古人之事有如  
符節者其在六箴乎

心箴

大化之精孕之曰人大純之靈形之曰心心由是  
君身由是臣中既齟齬外乃紛綸耳厭聞義目惡  
覩仁手持亂柄是踐禍身舜為天子舜不得尊其  
不尊者與心為臣紂為天子紂乃得尊其得尊者  
與心為君天子之外復有尊者乃舜之心將舜之  
身天子之外復有卑者乃紂之心將紂之身危乎

惕哉臣之諫君輔相不明諸侯不賓君為穢壞臣  
為賊塵未及于斯良可自勤嗚呼吾君無忽茲文

口箴

古銘金人謂無多言忽有所發不可不論既有所  
論復謂多言中庸之士由茲保身吾謂斯銘未足  
以珍出為忠臣言則及君入為孝子言則乃親非  
君與親則宜默云謗訕之言出如齋淪一息之波  
流于無垠猜毀之言出如鈞天鈞天之樂聞于無  
聞佞媚之言出如絲棼一入于人治亂不分間謀

之言出如鷹鷂鷹鷂之迅一舉凌天無嗜于酒酒  
能亂國無嗜于味味能敗德以道為飲以文為食  
成吾之名繫乃勉力

耳箴

聽於無聽默默玄性聞於無聞洋洋化源勿恃已  
善不服人仁勿矜已藝不敬人文勿耽鄭聲其亂  
乃神勿信美談其殛乃身聽悞多害聽妄多敗近  
賢則聰近愚則聵堯居九重聽在民耳故得大舜  
授彼神器勿聽他富熒惑乃志勿聞他貴墮壞乃

義慎正令非慎明古是捨是何適古樂而已

目箴

愧爾瞭然為吾所視高覩古人有如隣里勿分秋毫分于邦理勿視邦視視于人紀惟書有色艷于西子惟文有華秀于百卉見彼之倨污甚塗炭見彼之賢綿其葛藟勿頽厲階素吾大志勿視怨府損吾高義入吾明者何人而已古之忠臣古之孝子上立大業中光信史苟不善是蛇蝎之類

手箴

惟爾之指屈伸由已勿執亂權勿樹賊子勿秉非  
道勿持非理勿擠孤危勿授姦宄慎握吾操俾直  
於矢慎杖吾心俾早如砥剪惡如草颺姦如糝為  
而不矜作而不恃智如公倕勿為小巧機如偃師  
勿為竒伎身高道端毫直國史敬之戒之俟為天  
吏

足箴

惟爾跣跣為吾所先居必宅地行必依賢勿踐亂  
階勿履利門勿蹈怨府勿躡禍源鳳皇乃禽不棲



凡木騶虞乃獸不踐生物唯爾棲踐保茲無忽

動箴

動生於欲行生於為欲則不妄為則不疑吾道未  
喪于何不之勿生季世有爵必危勿居亂國有祿  
必尸住無市怨去無取嗤迹無顯露名勿求知聲  
無取猜譽無致疑坦道如砥履過蒺藜四海如家  
去劇熱維日慎一日言茲在茲

靜箴

冥冥默默惟道之域處不違仁居無悖德勿欺孩

孺衣冠失則勿慢皂隸語言成隙深山雖樂豺狼  
爾殛深林雖安虺蜴爾螫居不必野唯性之寂止  
不必廣唯心之適勿傲干名要乎聘帛勿矯于節  
取乎祿食躬雖已安若敵鋒鎬味雖以甘若含冰  
藥成吾高風唯靜之力

酒箴

并序

皮子性嗜酒雖行止窮泰非酒不能適居襄陽之  
鹿門山以山稅之餘繼日而釀終年荒醉自戲曰  
醉士居襄陽之洞湖以舫舩載醇酎一甌往來湖

上遇興將酌因自諧曰醉民於戲吾性至荒而嗜  
於此其亦為聖哲之醉人也又自戲曰醉士自諧  
曰醉民將天地至廣不能容醉士醉民哉又何必  
廁絲竹之筵粉黛之坐也襄陽元侯聞醉士醉民  
之稱也訂皮子曰子耽飲之性於喧靜豈異耶皮  
子曰酒之道豈止於充口腹樂悲歡而已哉甚則  
化上為淫溺化下為酗禍是以聖人節之以酬酢  
諭之以誥訓然尚有上為淫溺所化化為亡國下  
為酗禍所化化為殺身且不見前世之飲禍耶略

酈舒有五罪其一嗜酒為晉所殺慶封場內而耽  
飲則國朝廷鄭伯室室而耽飲終犇於駟氏之甲  
樂高嗜酒而信內卒敗於陳鮑氏衛侯飲于籍圃  
卒為大夫所惡嗚呼吾不賢者性實嗜酒尚懼為  
酈舒之僂過此吾不為也又焉能俾喧為靜乎俾  
靜為喧乎不為靜中淫溺乎不為酗禍之波乎既  
淫溺酗禍作於心得不為慶封乎鄭伯乎樂高乎  
蓋中性不能自節因箴以自符箴曰  
酒之所樂樂其全真寧能我醉不醉於人

食箴并序

皮子少且賤至於食自甘棗糲而已未嘗食於鄉里食於親戚食於州鄙有鄧邑大夫饗皮子之名曾未相贄具厚羞以賔之皮子辭大夫訂之曰子自甘棗糲則可矣於鄉里親戚州鄙何有皮子曰一杯之食至鮮矣苟專其味必不能自抑既不能自抑日湏豐其羞既日湏豐其羞則貧也不能無不足因是妄求苟欲之心生窮貪極嗜之名生且大夫不見前世之味禍乎故羊斟不及華元受其

謀龜羹不均子家肆其禍熊蟠不孰殺宰夫而趙  
穿弑雙鷄易鴛饋子雅而慶舍死嗚呼吾不仁  
者乎誠賴其用所欲不可求所嗜不可得方自甘  
染糲而已使我生於鍾鼎之家膏粱之門日縱異  
嗜年成竒欲未必不為御者之犇華元也子家之  
伐靈公也晉靈之殺宰夫也盧蒲癸之殺慶舍也  
此猶之禽獸欲爭食而死者矣故食於天子者則  
死其天下食於諸侯者則死其國食於大夫者則  
死其邑食於士者則死其家又焉能以鄉里親戚

州鄙為讓乎大夫曰善自惟食之性不能自節亦  
猶酒之性也復箴以自符箴曰  
寧能我食不食於人復食於是食其身

皮日休文集卷第七

文數

雜著

讀司馬法

請行周典

相解

感雷刑

悲摯獸

誚莊生

旌王字



斥胡建

白門表

無項託

鄂州孟亭記

通玄子栖賓亭記

讀司馬法

古之取天下也以民心今之取天下以民命唐虞尚仁天下之民從而帝之不曰取天下以民心者乎漢魏尚權馳赤子於利刃之下爭寸土於百戰

之內由士為諸侯由諸侯為天子非兵不能威非  
戰不能服不曰取天下以民命者乎由是編之為  
術六韜也術愈精而殺人愈多法益切而害物益  
甚嗚呼其亦不仁矣蚩蚩之類不敢惜死者上懼  
乎刑次貪乎賞民之於君由子也何異乎父欲殺  
其子先給以威後啗以利哉孟子曰我善為陣我  
善為戰大罪也使後之士于民有是者雖不得土  
吾以為猶土焉

請行周典

周禮載師之職也曰宅不毛者有里布田不耕者  
出屋粟凡民無職事者出夫家之征曰休曰征稅  
者非以率民而奉君亦將以勵民而成其業也今  
之宅樹花卉猶恐不奇減征賦惟恐不至苟樹桑  
者必門嗤戶笑有能以不毛而稅者哉如曰必也  
居不樹桑雖勢家亦出里布則途無裸丐之民矣  
今之田貧者不足於耕耨轉而輸於富者富者利  
廣占不利廣耕如曰必也田不耕者雖勢家亦出  
屋粟則途無餓斃之民矣今之民善者少不肖者

多苟無世守之業必鬪鷄走狗格囊擊鞠以取食  
於游閑太史公曰刺繡文不如倚市門是也如曰  
必也凡民無職事者出夫家之征則世無游墮之  
民矣此三者民之最急者也有國有家者可不務  
乎周公聖人也周典聖人之制也未有依聖制而  
天下不治者執事者以為如何

相解

今之相工言人相者必曰某相類龍某相類鳳某  
相類牛馬某至公侯某至卿相是其相類禽獸則

富貴也噫立形於天地分性於萬物其貴者不過  
人乎人有真人形而賤貧類禽獸而富貴哉將今  
之人言其貌類禽獸則喜真人形則怒言其行類  
禽獸則怒真人心則喜夫以鳳為禽耶鳳則仁義  
之禽也以騶虞為獸耶則騶虞仁義之獸也今之人  
也仁義能符是哉是行又不若於禽獸也宜矣或  
曰相者有乎哉曰上善出於性大惡亦出於性中  
庸之人善惡在其化者也上善出於性若文王在  
毋不憂重耳弱不好弄是也大惡亦出於性若商

臣之蜂目豺聲必殺其父叔魚之虎目豕心以賄  
死是也中庸之人善惡在其化者若大舜設化而  
有苗格仲尼垂諭而子路服是也是從善而化者  
也若齊桓管仲輔之則霸豎貂輔之則亂是從惡  
而化者也故舜相於堯而天下平禹相於舜而大  
災弭咎繇相禹斯謂相見者見人知其賢愚見國  
知其治亂亦相也或曰賢愚者見行事而知也敢  
問聖人之相人知其有位哉曰堯之於舜任之以  
天下知其有位也舜之於四凶投之於四裔知其

無位也曰苟若是聖人之能相人也是必賢者得  
其位不肖者不立朝三苗九黎焉得以侯飛廉惡  
來焉得以爵曰有是者其君不能相也將其國之  
是滅豈暇相人而用哉是則三苗九黎未聞不滅  
飛廉惡來未聞不誅嗚呼聖人之相人也不差忽  
微不失累黍言其善必善其惡必惡言其勝任必  
勝任今之人不以是術行其區區求子卿唐舉之  
術居其窮處其困不思以道達不能以德進言其  
有位必翻然自負坐白屋有公侯之姿食藜藿有

鄉相之色蓋不能自相其心者或有士居窮處困  
望一金之助已有沒恥之難有誕妄之人自稱精  
子鄉唐舉之術取其金則易於反掌矣有能以聖  
賢之道自相其心哉嗚呼舉世從之吾獨處也其  
不勝明矣

感雷刑

彭澤縣鄉曰黃花有農戶曰逢氏田甚廣已牛不  
能備耕嘗僦他牛以兼其力逢氏之猾惡為一鄉  
之師焉得他牛則晝役夕歸蠶耕于烈日管耨于



晦冥未嘗一息容其殆忽一日猝雷發山逢氏震  
死曰休曰逢氏之猾惡天假雷刑絕其命信矣夫  
生民之基不過乎稼穡之功皆不為是畜之力哉  
則天之保牛齊乎民命也宜矣今逢氏苦其力天  
則震死如燕趙無賴少年椎之以私享烹之以市  
貨法不可戢刑不可威則天之保牛皆不降于雷  
刑哉則逢氏之死吾不知是天地也

悲摯獸

匯澤之場農夫持弓矢行其稼穡之側有茗項為

農夫息其傍未及落花紛然不吹而飛若有物娛  
視之虎也跳踉哮囁視其狀若有所獲負不勝其  
喜之態也農夫謂虎見已將遇食而喜者乃挺矢  
匿形伺其重娛發貫其腋雷然而踣及視之枕死  
腐而斃矣意者謂獲其腐將食而娛將娛而害曰  
休曰噫古之士獲一名受一位如已不足于名位  
而已豈有喜於富貴娛於權勢哉然反是者獲一  
名不勝其驕也受一位不勝其傲也驕傲未足於  
心而刑禍已滅其屬其不勝任與夫獲死腐者樂

希悲夫吾以名位為死麀以刑禍為農夫庶乎免於今世矣

謂莊生

莊生免范蠡之子死至矣夫范蠡子復取其金則怒乃言於楚王死之嗚呼夫交者以義合至死不離也以利合者全於利前者鮮矣况利死之後哉則莊生謂畢事而歸金其言信矣至其取金則復言而死之焉有夫歸金之心也哉是莊生與范蠡果曰利合也或曰莊生非利金而渝言是范蠡之

子利金而渝言也曰夫赦者楚之嘗法也范蠡不謂乎赦為楚之嘗法以其兄自合不死非莊生之力也故取夫金是愚豎之纖鄙也何足責哉如莊生與范蠡義合則取金之信以易乎人命也哉是果曰利合兼不全於利前者也

旌王宇

王莽竊弄漢柄擅斥帝族當其時有名臣名士身被漢祿者闔朝皆然也莫不迴忠作佞變直為邪曾不敢一悞莽色以平帝得親乎外氏者也而宇

乃以為謀事泄受禍曰休旌之曰若守之道真忠烈之士哉不以其父得天下為利以反道為慮不以已將為天子之子為貴以愆咎為戒嗚呼守之道大不負天地幽不慙鬼神身覆金石明不讓日月於臣子之義備矣而班氏忘讚皮子旌之悲夫

斥胡建

古者將在軍君命有所不受若穰苴之斬莊賈孫武之僇官嬪魏絳之辱楊干是也如建者為軍正丞設御史有奸在建職當以狀聞自有天子之刑

名如擅斬者乃一夫之暴賊上吏者也以辱國威  
國威者軍刑者也夫軍正之職當申明其法干軍  
師亦不可擅行誅殺也正且不可况又丞哉嗚呼  
漢不以是僂建以正其罪反以詔命賞之嘻妄矣  
過直近乎暴物過訐近乎擅命有之不戢在家為  
賊子在國為亂臣其建之謂矣

白門表

三年秋徐卒無狀叛兵逐其帥不再曰剽公私財  
析盡異時卒有不平者至是皆門坑之監戎者以

聞上赫然大怒命大將職正其罪卒有首叛者前  
後累劫其將曰銀刀至是命皆僂乏無赦將至先  
令徐禪將曰銀刀族無老幼强者斬之弱者幽之  
及徐之枝邑派聚捕銀刀族且盡或僂而梟者或  
拳而送者不浹日其族不餘或有詐弱懼僂皆論  
幽於牢迨六七百人且侯大將命業兵之居無何  
上愍徐卒盡死中或有不干其謀者僭僂降內貴  
人於徐詔曰銀刀族詔至未死者賞之六七百人  
分屬數郡未至屬所逋亡為盜四年夏盜推其率

鼓而徐入火里舍將縣令誅制使係虜民輜而掠  
貨徐守閉中城竟不命偏將禦之盜得志徐去四  
年秋進士皮日休之白門道逢徐民之耄者泣曰  
公翁世富於徐子孫嗣其業祈二百年前日以徐卒  
亂翁之資已竭於兵劫矣獨存者居第而已為殘  
燼翁以為天子命將盡殺之且銀刀族無三千人  
耳遇聖天子在上四境無征伐重糧其屬厚水其  
身有舖兜啜孫至死手不執干戈體不被鎧甲者  
上於徐卒厚矣今乃忘上恩叛主帥遂天子命將



殘天子兆民如此逆之甚也上又活其半今反盜  
而寇徐前日翁之亡獨賄與產耳今子孫為賊隸  
妻女為賊室餘骸殘盡然無取嗚呼皇天仁於  
數百人反不仁於一郡豈得言者過耶且兵者聖  
王不能免其征仁帝不能無其伐是以逆者必殺  
順者必生所以示天下不私也往年數萬之卒逐  
天子命將自樹其便者國家以不忍盡殺因聽之  
皆賊而不貢兵而不從死而輒代名為列藩實一州  
之主也故春秋譏世卿得專公祿者以春秋小國

尚貶而不空况今聖天子在上百執事稱職萬方  
雀息以無虞四夷駿奔而入貢哉前日徐卒幸活  
而為盜於民時苦國家無辱或不盡膠而赦之則  
自樹其便者曰休曰翁其力之賢者耶吾知夫今  
之食其食者未必有翁之是心也幸以文貢而未  
得入上言列固不合陳便宜事因採翁之說為表  
庶天子召直言極諫者得以遺之

無項託

符朗著管子言項託詆訛夫子之意者以吾道將

不勝於黃老嗚呼孔子門雄稱少故仲尼曰顏氏之子其殆庶幾乎又曰賢哉回也嘆其道與已促固不足夫蔽之也如託之年與回少遠矣託之智與回又遠矣豈仲尼不稱之於其時耶夫四科之外有七十子七十子外有三千之後其人也有一善仲尼未嘗不稱之豈於項氏獨掩其賢哉必不然也嗚呼項氏之有無亦如乎莊周稱盜跖渙父也墨子之稱墨尿管嬋也豈足然哉豈足然哉

鄧州孟亭記

明皇世章句風大得建安體論者推李翰林杜工  
部為之尤介其間能不愧者唯吾鄉之孟先生也  
先生之作遇思入詠不拘奇抉異令齷齪東人口  
者溼溼然有干霄之興若公輸氏當巧而不巧者  
也北齊羨蕭愨有芙蓉露下落楊柳月中踈先生  
則有微雲淡河漢踈雨滴梧桐樂府羨王融日霽  
沙岫明風動甘泉濁先生則有氣蒸雲夢澤波動  
岳陽城謝朓之詩句精者有露濕寒塘草月映清  
淮流先生則有荷風送香氣竹露滴清聲此與古

人爭勝於毫釐也他稱是者衆不可悉類嗚呼先生之道復何言耶謂乎貧則天爵于身謂乎死則不朽于文為士之道亦以至乎先生襄陽人也曰休襄陽人也既慕其名亦觀其貌蓋仲尼思文王則嗜昌歠七十子思仲尼則師有若吾於先生見之美說者曰王右丞筆先生于郢之亭每有觀之志四年滎陽鄭公誠刺是州余將拉江南艤舟而詣之果以文見貴則先生之貌縱視美先是亭之名取先生之諱公曰焉有賢者之名為趁廝走養

朝夕言於刺史前耶命易之以先生姓日休時在  
宴因曰春秋書紀季公子友仲孫湫字者貴之也  
故書名曰貶書字曰貴况以賢者名署于亭乎君  
子是以知公樂善之深也百祀之弊一朝而去則  
民之弊也去之可知矣見善不書非聖人之志宴  
空豆撤立而為文咸通四年四月三日記

通玄子栖賓亭記

距彭澤東十里有山邃源奧處號曰富陽文士李  
中白隱焉五年冬別中白歲且翅再自淝陵之江

左因訪于是至其門駭不暇繚而目爽神王去悅  
悅然追若入于異境矣憩別若外不復游一詞且  
樂其得也木秀于芝泉甘于粘霽峯倚室如碧毫  
掃粉障色正鮮温鳴溪滾滾源內橐籥誦出琉璃  
液石有怪者骯然闖然若將為人者禽有異者嘒  
嘒然若將天馴耶每室齋寥寥寒月方午松竹交  
韻其正聲雜音笙師之吹竽邠人之鼓籥不能過  
也况延白雲為昇堂之侶結清風為入室之賓其  
為趣則生而未覩矣中白所尚皆古以時不合已

故隱是境將至老嗚呼世有用君子之道隱者乎  
有則是境不足留吾中白也昔余與中白有俱隱  
湘衡之志中白以時不合已果償本心余以尋求  
計吏不諧夙念今至是境語及名利則芒刺生背  
矣夫賓之來也不逾于邑謂彭澤縣邑距是十里  
至是者不為易矣其延之旦不晡乎晡不夕乎則  
俟賓之所果不可低庠於是鉅其寢西向百步則  
築賓亭焉兩其室而一其廈且曰賓將病暑吾則  
蔽其簷賓將病寒吾則與其牖自竟是功則纍纍



之饋壘樽之費繼倍於前矣其功始於咸通二年  
秋八月後三年五月中白館余於是且禱其記而  
名之者累月讓不獲因曰古者有高隱殊逸未被  
爵命敬之者以其德業號而稱之玄德玄晏是也  
夫學高行遠謂之通志深道大謂之玄男子通稱  
謂之子請以通玄為其號請以栖廬為亭名噫知  
我者不謂我為佞友矣五年五月朔日記

皮日休文集卷第七

皮日休文集卷第八

文數

雜著

正尸祭

讀韓詩外傳

題叔孫通傳

題後魏釋老志

題安昌侯傳

趙女傳

何武傳

鄙孝議上篇

鄙孝議下篇

內辯

正尸祭

聖人知生足其事事之知死不足其思制之生象其死窮其思也尸象其生極其敬也夫禮者是以守不以加加則弊是以加不以闕闕則怠是以闕不以廢廢則亂故祀享立尸于廟王則迎有拜有醢尸有酢所以立象生之敬也今視唐禮皇帝神

降而拜象乎安尸受福于神象乎酢尸嗚呼唐有  
天下化乎三百年其禮典赫然可以蟻漢蠆魏豈  
不能守周孔禮制哉故曰不以加加則弊禮無匱  
盥之文漢魏以來加之是也以加不以闕者周官  
射人祭祀則贊射牲王親射也自漢魏以來為以  
毛血為薦是也是以闕不以廢古者屈到嗜艾屈  
建薦之謂乎非禮梁氏祀以蔬食是也嗚呼讀漢  
魏及梁書代無其人忍使其禮弊急廢闕相接至  
此耶豈天然之使俟吾唐之人補其逸典哉是宗

廟祭尸不當廢也矣

讀韓詩外傳

韓詩外傳曰韶用于戚非至樂也舜兼二女非達理也封黃帝之子十九非法義也往田號泣未盡命也日休曰甚哉韓詩之文悖夫大教夫堯舜之世但務以道化天下天下嘻嘻如一家室其化雖至其制未備豈可罪以越禮哉如以韶用于戚非至樂則顓頊之八風高辛之六筮不可作矣如以舜兼二女非達禮也則堯之世其禮未定不當貴

也又宜矣以封黃帝之子非法義也則丹朱高君  
無封邑是庶人也傳曰賢者子孫必有土又曰公  
侯之子孫必復其始夫賢者與公侯其子孫尚不  
廢況有熊氏道冠於五帝化施於千世哉如有往  
田號泣未盡命也則舜之孝道匪天也其誰知之  
不號泣則吾恐舜之命不及于堯用嗚呼韓氏之  
書抑百家崇吾道至矣夫是者吾將闕然

題叔孫通傳

古之所謂禮不相襲樂不相沿者何哉非乎彼聖

人也此聖人也不相襲者角其功利之深淺爾不相訟者明其文武之優劣爾故三王迭作五帝更制夏殷易置文武述述其禮文昭昭然若兩曜爭明百川之法潰者矣然猶周公刊之仲尼正之以周公之才之美謂後世無其人乎乃有仲尼仲尼之後迄今望其道如顏閔文如游夏者鮮矣况聖人哉是後之制禮作樂宜取周書孔策為標準也漢氏受命禮壞文敗時無聖人苟措其儀立其禮不訟襲於聖制者妄也夫國之大祭不過乎郊祀

宗廟也漢之既命其郊止於五時之祀者禮不曰  
兆五帝之郊者乎止於昭靈之園者禮不曰天子  
七廟者乎而叔孫生不為之正郊祀立宗廟去秦  
時之非制議昭靈之非禮汲汲於朝會之儀俾漢  
天子為高祖身不得郊見享不及七廟噫生其制  
物刊厥式非不標準於聖人乎將以漢新去水火  
方弭兵械為改作乎將不明壇蟬之位禘祫之儀  
者乎若然者湯伐桀周伐紂其制可知也嗚呼不  
明於古制樂通於時變君子不由也其叔孫生之



謂矣

題後魏釋老志

魏收為後魏書大夸西域氏之教以為漢獲休屠  
王金人乃釋氏之漸也秦始皇聚天下兵鑄金人  
十二於咸陽漢復置之豈可復為釋氏哉夫仲尼  
脩春秋君有僭乎號者皆削爵為子况戎狄之道  
不能少抑其說耶孟子曰能以言拒楊墨者遠矣  
不能以言抑者收也亦聖徒之罪人矣謂史必直  
歟則春秋為賢者諱之為尊者諱之筆削與奪在

手則收之為是媚於偽齊之君耶不然何不經之  
如是

題安昌侯傳

安昌侯禹見時變異若上體不安常擇日潔齋露  
著於星宿正衣冠筮得吉卦則獻其占如有不吉  
禹為感動日休讀漢史至是未嘗不為之動心因  
書曰夫宰相之節以已道輔上天地平則致於君  
夷狄服則致於君風教行則致於君苟天地有災  
則歸於已兵戈屢動則歸於已此真太宰輔之職

也禹也為漢名相居師傅之尊處輔道之位見災  
異屢發上不能匡於君下不能稱其職孜孜於小  
筮為事斯不足以為賢相之業也嗚呼當漢帝之  
重禹禹之有言如師訓門人未有門人可違師之  
旨也依違在位竟無所發誠伊周之罪人也大凡  
國有災異稽穰占筮之事自有司存占人大祝之  
官為宰相者當提大政之綱振百司之領握天下  
之樞而已不空以處斯位也以直論之近乎佞以  
誠論之近乎偽為宰相其名儒之耻耶嗚呼漢之

尊禹崇師道也禹若此者即非崇師道之過矣

趙女傳

趙氏女山陽之塩山人其父質塩出其息不納有司賊官捕得法當死簿伏就刑有日矣趙氏女求見塩鐵官泣愬于庭曰某七歲而母亡蒙父私盜官利衣食其身為生厚矣今父罪根露其當隨坐法若不可官能原乎原之不能請隨坐之法官清河崔據義之因為減死論趙氏大泣曰某之身前則父所育今則官所賜願去髮學釋氏以報官德

自以女子之言難信因出利刃于懷立截其耳以  
盟必然崔益義之竟全其父命趙氏恃父刑疾愈  
因訣歸浮屠氏舍曰休曰古之救危拯禍必先示  
信至夫家全國完則隨而乖其盟如趙氏一乳臭  
女子耳繼死請父命孝也自刑以盟言信也秉孝  
植信高蹈於世潔乎瑾瑜不足為其身芬乎菡蘭  
不足為其秀與夫救危拯禍者遠矣今之士見難  
不立其節見安不償其信者其趙女之刑人乎噫  
後之修女史者幸無妄耶

何武傳

何武者壽之驍卒也故為少卒將戍陟霍岳銜名  
莽有負其販者多強暴民不便必愬於將武之至  
矣責其強暴者盡擒而械之俟簿圓將申壽守請  
殺之強暴之黨懼且死乃誣愬武于壽守且曰不  
順守命擅生殺于外壽之守嚴悍不可犯苟聞不  
便於民雖劇寮貴吏皆得辱殺之至是聞武罪如  
乳虎遇觸怒螻遭傷其將害也可知乃命勁卒將  
命奉武至府武已知理可申不奈守嚴悍必當受

枉乃樂而俟死矣至則守怒而責武以其過武善媚對又肢體魁然乃投石狀枉之事守雅愛是類翻然釋之黜其職一級武曰吾今日不歸地下真守之賜也請得以命報居未久壽之指邑曰樅陽野寇四起其邑將危武請守曰此真畢命之秋守壯之復其故職奉命為貳將領偏師自間道入樅陽不意伏盜發於叢翳間兵盡駭逝武獨鬪死日休曰武之受謗不當其刑况其死乎如非武心者縱免死其心不能無憤也况感分用命哉嗚呼古

之事上遇謗當職遭辱苟其君免之必以憤報破  
家亡國者可勝道哉春秋弑君三十六其中未必  
不由是而致者也武一卒也獨有是心嗚呼古之  
士事上當職苟遇謗遭辱無是心者吾又不知武  
一卒也

鄙孝議上篇

有天地來言卑孝者大曰舜小曰參舜承順父母  
之道無不為也雖俾食于藜藿寢于厠竇猶將順  
之况夫修廬浚井哉然猶避乎大杖也雖嘗以小



杖為順則舜修廩可也浚井可也設死于大杖誰  
養瞽叟哉參承順父母之道無不至也鋤瓜傷根  
曾楮杖之幾至于死是以仲尼不以為孝也何哉  
有參則楮安無參則楮孤參順鋤瓜之罪設死于  
杖誰順夫楮哉夫以二孝之不受重責恐夫糜骨  
節隳肢體有辱于先人也豈有操其刃割已肉以  
為孝哉夫人之身者父母之遺體也割已之肉由  
父母之肉也言一不順色一不怡情尚以為不孝  
况割父母之肉哉故樂正子春傷足不下堂漢景

不吮孝文之癰二賢卒成大孝猶傷足不下堂吮  
癰有難色何者傷已之足傷父母之足也吮父之  
癰吮已之癰也傷之者不敬吮之者過喋是以聖  
賢不為也今之愚民謂已肉可以愈父母之病必  
割而飼之大者邀縣官之賞小者市鄉黨之譽詎  
風習習扇成厥俗通儒不以言執政不以禁昔墨  
氏摩頂至踵斷指存脛謂之兼愛今之愚民如是  
其兼愛邪設使虞舜糜骨節曾參噉肢體樂正子  
春傷足不憂漢景吮癰無難今之有是者吾猶以

爲不可况無是理哉或執事者嚴令以禁之則天下之民保其身皆父母之身也欲民爲不孝也難矣哉

鄙孝議下篇

人之心也仁者孝有餘兇者暴不足故聖人之制禮非所以懲其不足抑亦戒其餘由是節之以哀戚定之以封域制之以斬衰仁者之喪滿其哀也不足於心而不能有餘於禮兇者之喪滿其息也有餘於心而不能不足於禮此由民之心必有嗜

欲必知飢渴自開闢而至于今未能改也魯人有  
朝祥而暮歌者子路笑之夫子曰甯責於人終無  
已夫三年之喪亦以久矣又孔子既合葬於防曰  
吾聞之古也墓而不墳今丘東西南北之人也不  
可以弗識矣於是封之崇四尺孔子先反門人後  
雨甚至孔子問焉曰爾來何遲也曰防墓崩孔子  
不應三以其三言之自以非禮不聞也孔子泣然  
流涕曰吾聞之古不修墓以三年之喪天下之通  
制也古不修墓聖人之格言也以朝祥而暮歌聖

人尚不笑之以經雨而防墓崩聖人尚泣而怪之  
況廬之於其側朝夕而哭哉故合葬於防孔子先  
反者尚修虞事也今之愚民既葬不掩謂乎不忍  
也既掩不虞謂乎廬墓也傷者必過毀甚者必越  
禮上者要天子之旌表次者受諸侯之褒贊自漢  
魏以降厥風逾甚愚民蚩蚩過毀者謂得儀越禮  
者謂大孝姦者憑之以避征徭偽者扇之以收名  
譽所在之州鄙磐石栽然問所從來曰有至孝也  
廬墓三年孝感至瑞郡守聞於天子天子為之旌

表焉嗚呼夫古之廬墓至畜妻子於宅兆之前其  
波流弊至今褻慢焉有守正者雖大孝不錄為非  
者雖小道必旌則聖人之制後何法焉或曰子貢  
居於夫子墓側六年乃去非廬墓之自邪曰子貢  
之罪大矣口受聖人之言身違聖人之禮嘻甚矣  
夫子曰事師無犯無隱左右就養無方服勤至死  
心喪三年又曰師吾哭諸寢是師之喪也心喪止  
於三年哭泣至於寢室未有倍其年而哭於墓者  
斯子貢之罪也今執事者見愚民之有是者宜責

而不貢鄙而不旌則民必依禮而行美苟若是則  
墮教之風息數制之道雍傳曰辛有適伊川見被  
髮而祭於野者今之有是被髮而哭於野者幾何  
不為戎之於宅兆乎有心於是道者得斯說而存  
之禁之可也令之可也

內辯

日休自布衣受九江之薦與計偕寓止永崇里居  
浹旬有來候者曰子幾退于有司幾孰于執事其  
譽與名曄曄于京師矣致是也者孰自曰偶與計

偕者曾未識咸陽城闕所督者未及卿相之門所  
趨者未入勢利之地其譽與名反不知其自矣曰  
聞子受令小司徒河東公知素美公當時之望溟  
渤於文場蒿華於朝右子之上第不足憑他門曰  
公之為前達接後進今人之中古人也愚欲自知  
其道干之以其文以名臣之威繼賤士之禮其為  
知大矣所謂干之以其道知之亦以其道遇其人  
則宣之於口不遇其人則貯之於心非佞傳媚說  
者也或曰不擇而退居一日又有來者曰喋喋之



人謂子賴其知欲一舉於有司信哉曰於戲聖天子之世文教如膏雨儒風如扶搖草茅之士得以達市井之子可以進名場大闢豁若廣路千百人各負累能時執事各立用譽如日休之才處於場中若放鯤鯨於東溟逐麀麇於五嶽於小入大以微混衆其汨汨沒沒昭然可知矣豈能一舉於有司哉或練窮物態曉盡時機一二十舉於有司儻處之下列行其道也上可以布大知下可以存標利而已矣曰若能者誘毀子宜默處梁上第防其

萌曰大聖者不過周孔然猶管蔡謗於前叔孫毀  
於後何由處勢而然亦由登高者必望臨深者必  
窺矣詩曰讒言罔極交亂四國夫四國且亂况一  
士哉雖然敢不防其萌嗚呼防而免者人歟防而  
不免者天歟

Vertical columns of text, likely bleed-through from the reverse side of the page. The text is extremely faint and illegible.

皮日休文集卷第九

文數

書

移元徵君書

請韓文配饗太學書

請孟子為學科書

移成均博士書

鹿門隱書六十篇

移元徵君書

徵君足下行奇操峻捨明天子賢宰相退隱于陵

陽踞見青山傲視白雲得喪不可搖其心榮辱不  
能動其志桎拳冠冕泥滓祿位甚善甚善苟與之  
下同道者必汲汲自退名惟恐聞行惟恐顯老死  
為山谷人矣或名欲遺千載利欲及當今者聞足  
下之道可以不進其說耶曰休聞古之聖賢無不  
欲有意於民也苟或退者是時弊不可正主愒不  
可曉進則禍退則安斯或隱矣有是者世不可知  
其名俗不能得其教尚懼來世聖人責乎無意於  
民也此謂之道隱其次者行不端於己名不聞於

人欲乎仕則懼禍欲乎退則思進必為怪行以動俗詆言以矯物上則邀天子再三之命下則取諸侯殷勤之禮甚有百世之風次有當時之譽此之謂名隱其次者行有過僻志有深傲飾身不由乎禮樂行已不在乎是非入其室者惟清風昇其牖者惟明月木石然麋鹿然期夫道家之用以全彼生此之謂性隱然而道隱者賢人也名隱者小人也性隱者野人也有夫堯舜救世湯禹拯亂之心者視道隱之人由夫樵蘇之民耳况名與性哉今

天下雖無事河湟有黠虜之患嶺徼有連蠻之虞  
主上焦心灼思晏詢夜謀宰相戰慄於嚴廊百執  
事奔走於朝右然尚未復貞觀開元之大治有致  
君於唐虞躋民於仁壽者其人則鮮其求則動立  
勲之聘屢降於山林少微之星但明於霄漢此真  
足下之所高視也嗚呼斯時也山林之間宜倒衣  
以接禮重跡以應命赴明天子千年之運成大丈  
夫萬世之業勲銘於鍾鼎德著於油素可不盛哉  
夫主上知足下之道久矣加以郡守薦之宰相譽

之雖錫命屢煩而高風轉固接物日簡入山益深  
且足下將為道隱乎則道隱者世不可知其名俗  
不能得其尚足下之名尚也丹青於世矣豈謂道  
隱哉將為名隱乎則名隱者以怪行動俗以詭言  
矯物足下之道伸之而伊戔屈之而夷齊豈謂名  
隱哉將為性隱乎則性隱者飾身不由乎禮樂行  
已不在乎是非足下須薦名於有司客位於侯伯  
豈謂性隱乎然三隱者足下皆出其表復何為而  
高卧哉如終卧陵陽不起是廢乎古入之道者



也仲尼曰素隱行恠後世有述焉吾弗之為也君子  
子導道而行半途而廢吾弗能也已矣君子依乎  
中庸遯世不見知而不悔乎夫前二者聖人之所  
不為是下之學楊墨甫韓乎何其悖於道也如遯  
世不見知而不悔則舜不為高蹈也舜不為真隱  
也足下其亦有意乎如納僕之言翻然而起醒然  
而用朝廷必處足下於大諫次用足下於宰輔其  
在大諫也以直氣吹日月之翳以正道立天地之  
根先黜陟於朝廷次按察于侯國其在宰輔也外

以道寧四夷內以法提百揆俾天地反妖為瑞使  
陰陽易愆為禳然後以玄菟樂浪為持節之州崑  
崙嶮嶮作駐蹕之地又不知房杜姚宋何人也果  
行是道聲南山之竹不足以書足下之功窮百谷  
之波不足以注足下之善以足下之風可以知僕  
之志以僕之道可以發足下之文故不遠千里授  
書於御者用以吐僕臆中之竒貯也僕之取捨自  
有方寸異時無望於足下發函之後但起無疑不  
宣日休再拜

請韓文公配饗太學書

於戲聖人之道不過乎用用於生前則一時可知也用於死後則百世可知也故孔子之封賞自漢至隋其爵不過乎公侯至于吾唐乃策王號七天子之爵命自漢至隋或卿大夫至于吾唐乃封公侯曾參之孝道動天地感鬼神自漢至隋不過乎諸子至於吾唐乃旌入十哲噫天地久否忽秦則平日月久昏忽開則明雷震久息忽震則驚雲霧久鬱忽廓則清仲尼之道否於周秦而昏於漢魏

息於晉宋而鬱於陳隋遇於吾唐萬世之憤一朝  
而釋僮死者可作其志可知也今有人身行聖人  
之道口吐聖人之言行如顏閔文若游夏死不得  
配食於夫子之側愚又不知尊先聖之道也夫孟  
子荀卿翼傳孔道以至於文中子文中子之末降  
及貞觀開元其傳者醜其繼者淺或引刑名以為  
文或援綴橫以為理或作詞賦以為雅文中之道  
曠百祀而得室授者唯昌黎文公之文蹴揚墨於  
不毛之地蹂釋老於無人之境故得孔道巍然而

自正夫今之文千百十之作釋其卷觀其詞無不  
裨造化補時政繫公之力也公之文曰僕自度若  
世無孔子僕不當在弟子之列設使公生孔子之  
世公未必不在四科焉國家以二十賢者代用其  
書垂于國曾並配饗於孔聖廟堂者其為典禮也  
大矣美矣苟以代用其書不能以釋聖人之辭箋  
聖人之義哉况有身行其道口傳其文吾唐以來  
一人而已不得在二十一賢之列則未已乎典禮  
為備伏請命有司定其配饗之位則自茲以後天

下以文化未必不由夫是也

請孟子為學科書

聖人之道不過乎經經之降者不過乎史史之降者不過乎子子不異乎道者孟子也捨是子者必戾乎經史又率于子者則聖人之盜也夫孟子之文繫若經傳天惜其道不燼於秦自漢氏得之常置博士以專其學故其文繼乎六藝光乎百氏真聖人之微旨也若然者何其道曄曄於前其書汲汲於後得非道拘乎正文極乎與有好邪者憚正

而不舉嗜淺者鄙與而無稱耶蓋仲尼愛文王嗜  
昌歎以取味後之人將愛仲尼者其嗜在孟子矣  
嗚呼古之士以湯武為逆取者其不讀孟子乎以  
楊墨為達智者其不讀孟子乎由是觀之孟子功  
利於人亦不輕矣今有司除茂才明經外其次有  
孰莊周列子書者亦登于科其誘善也雖深而懸  
科也未正夫莊列之文荒唐之文也讀之可以為  
方外之士習之可以為鴻荒之民有能汲汲以救  
時補教為志哉伏請命有司去莊列之書以孟子

為主有能精通其義者其科選視明經苟若是也  
不謝漢之博士矣既遂之如儒道不行聖化無補  
則可刑其言者

移成均博士書

夫居位而愧道者上則荒其業下則偷其言業而  
可荒文弊也言而可偷訓薄可故聖人懼是霑移  
其化上自天子下至子男必立庠以化之設序以  
教之猶歉然不足士有業高訓深必詘禮以延之  
越爵以貴之俾庠聲序音玲瓏於珩珮鏘訇於金



石此聖人之至治也今國家立成均之業其禮盛  
於周其品廣於漢其誦禮越爵又甚於世而未免  
乎愧道者何哉夫聖人之為文也為經約乎史贊  
易近乎象詩書止乎刪禮樂止乎定春秋止乎修  
然六籍儀形乎千萬世百王更命迭號莫不由是  
大也其幽幽於鬼神其妙妙於玄造後之人苟不  
得行胡郎決句釋者猶萬物但被玄造之化者耶  
故萬物但化而已不知玄造之源也夫六藝之於  
人又何異於是故詩得毛公書得伏生易得楊何

禮得二戴周官得鄭康成規其微言鉅其大義幽  
者明於日月與者廓於天地然則今之講習之功  
與決釋之功不啻半矣其文得不弊乎其訓得不  
薄乎嗚呼西域氏之教其徒日以講習決釋其法  
為事吾之視太學又足為西域氏之羞矣足下出  
文閩生學世業精前古言高當今泔泔乎洋洋乎  
為諸生之耆龜作後來之綿蕝得不思居其位者  
不愧其道處於職者不墮其業乎否則市大易負  
乘之機招詩人伐檀之刺矣奚不日誠其屬月勵

其徒年持六籍日決百氏俾諸生於聖典也洞知  
大曉猶駕車者必知康莊操舟者必知河海既若  
是矣執其業者精者進而墮者退公者得而私者  
失非惟大發於儒風抑亦不苟於祿位足下之道  
被於太學也其利可知矣果行是說則太華之石  
峨峨於成均之門者吾不頌於他人矣是下聽之  
無忽日休再拜

鹿門隱書六十篇并序

醉士隱於鹿門不醉則游不游則息息於道思其所

未至息於文慙其所未周故復草隱書焉嗚呼古  
聖王能旌夫山谷民之善者意在斯乎

或曰仲尼修春秋紀災異近乎怪言虎賁之勇  
近乎力行衰國之攻近乎亂立祠祭之禮近乎神  
將聖人之道多岐而難通也奚有不語之義也曰  
夫山鳴鬼哭天裂地拆怪甚也聖人謂一君之暴  
災埏天地故諱耳然後世之君猶有窮凶以召災  
極暴以示異者矣夫桀紂之君握鉤伸鐵撫梁易  
柱手格熊羆走及虎兇力甚也聖人隱而不言懼

尚力以虐物貪勇而喪生然後世之君猶有喜角  
觝而忘政受拔拒而過賢者寒浞竊室子頑通母  
亂甚也聖人隱而不言懼來世之君為蛇豕民為  
淫賊然後世之君猶有易內以亂國通室以亂邦  
者夏啓畜乘龍周穆譙瑤池神甚也聖人隱而不  
言懼來世之君以幻化致其物以左道成其樂後  
世之君猶有黷封禪以求生恣祠祀以祈欲者嗚  
呼聖人發一言為當世師行一行為來世軌豈容  
易而傳哉當仲尼之時苟語怪力亂神也吾恐後

世之君怪者不在於妖祥而在於政教也力者不在於角觝而在於侵凌也亂者不在於衽席而在於天下也神者不在於機鬼而在於宗廟也若然者其道也豈多岐哉

民之性多暴聖人導之以其仁民性多逆聖人導之以其義民性多縱聖人導之以其禮民性多愚聖人導之以其智民性多妄聖人導之以其信若然者聖人導之以天下賢人導之於國衆人導之於家後之人反導為取反取為奪故取天下以仁

得天下而不仁矣取國以義得國而不義矣取名位以禮得名位而不禮矣取權勢以智得權勢而不智矣取朋友以信得朋友而不信矣堯舜道而得也非取也得之而仁殷周取而得也得之亦仁吾謂自巨君孟德已後行仁義禮智信者皆奪而得者也悲夫

文學之於人也譬乎藥善服有濟不善服反為害或曰聖人見一善必汲汲慕之夫丹朱商均雖曰不肖豈便毒於豺虎哉何其嗣之遠也且善足以

保身不足以保天下噫丹朱商均苟非堯舜之子  
一身且不保况天下哉

毀人者自毀之譽人者自譽之夫毀人者人亦毀  
之不曰自毀乎譽人者人亦譽之不曰自譽乎

或曰神農牛首蜚仲鳥身信乎哉曰非形也象也  
夫梟羊獍獠尚猶類人况聖賢也哉

或曰夏禹為黃能信乎哉曰非也感也夫簡狄吞  
鳥卵而生契姜嫄履大迹而產稷是也當禹之母  
夢熊而生耳不然者禹誠是熊吾以聖人為罔象也



或曰孟子云予何人也舜何人也是聖人皆可修而至乎曰聖人天也非修而至者也夫知道然後能修能修然後能聖且堯為唐侯二十而德盛舜為鰥民二十以孝聞焉在乎修哉后稷之戲必以執殖仲尼之戲必以俎豆焉在乎脩哉蓋修而至者顏子也孟軻也若聖人者天資也非修而至也窮山人盡行也大江人盡涉也然而不幸者有遇虎兇之暴蛟龍之患者矣豈以是而止者哉夫途有遇是患而死者繼其踵者惟恐其行之不速也

今之士為名與勢者刑禡及流竄至是監刀鋸者必名人司流竄者必勢士繼其踵者惟恐其位之不速也嗚呼名與勢然也吾患其內虎兕乎蛟龍乎是天不為人幸也非人也其或披林逐虎兕入水嬰蛟龍遇其患也是人不為天幸也非天也若是以取禡則終身所為心之駟僮焉君子不為其所不為小人為其所不為

可以威而不威可以殺而不殺難也

潔者不觀其窮觀其富也慎者不觀其危觀其勢

也苟當窮能潔當危能慎戒也非真也

古之官人也以天下為己累故己憂之今之官人  
也以己為天下累故人憂之今道有赤子將為牛  
馬所踐見之者無問賢不肖皆惕惕然皆欲驅牛  
馬以活之至夫國有弱君家有色婦有謀其國欲  
其室者惟恨其君與夫不罹赤子之襁也噫是復  
何心哉

孟子曰伯夷隘柳下惠不恭伊尹五就湯五就桀  
皮子採廉於伯夷廉於天下不為隘矣擇和於下

惠和於天下不為不恭矣取志於伊尹志於天下  
不為不大矣

天有造化聖人以教化禪之地有生育聖人以養  
育禪之四時有信聖人以誠信禪之兩曜有明聖  
人以文明禪之噫禪於天地者何獨聖人雖禽獸  
昆仲雲物亦不能自順其孔麟鳳禪於祥瑞也蛟  
龍禪於潤澤也昆蟲禪於地氣也雲物禪於天候  
也而况於聖人乎况於鬼神乎故紆大君之組綬  
食生人之膏血苟不仁而位是不禪於祿食也况

能裨於天地乎吾乃知是禽獸昆虫雲物不竊於  
天地之覆壽也

舟之有屹猶人之有道也屹不安也舟之行匪屹  
不進是不安而安也人之行也猶舟之有屹匪道  
不行是不行而行也夫秦失屹於項項遺屹於漢  
是聖人之道不安其所安小人之道安其所不安也  
伊尹之道一介不以與人一介不以取諸人吾得  
志弗為也與之以道取之以道天下可也况一介  
哉伊尹之道近乎執吾去執而取廉者也伯夷弗

仕非君弗治非民治則進亂則退吾得志弗為也  
不仕非君孰行其道不治非民孰急天下以非君  
乎湯不當事桀文王不當事紂也以非民乎桀民  
不赴殷紂士不歸周矣故伯夷之道過乎高吾去  
高而取介者也

柳下惠可事非君可使非民與惡人言雖袒裼裸  
程於我側爾焉能浼我哉吾得志弗為也夫蚍蜉  
豈過人而有禮哉民之下者亦若是而已柳下惠  
之道過乎濶吾去濶而取辨者也

於戲黃卷之內聖賢者皆在焉慕而不可及愛而不可必爵爵於厲夫至乎是者為心乎為身乎心則勞身則備嗚呼道果不在於自用

古之奢也吾不奢古之儉也吾不儉適管晏之中或可美噫古之奢也偕今之奢也濫古之儉也性今之儉也名

學而廢者不若不學而廢者學而廢者恃學而有驕驕必辱不學而廢者愧已而自卑卑則全勇多於人謂之暴才多於德謂之嫉

小善亂德小才耗道

以有善而不進以有才而不修孔門之徒耻也

古之隱也志在其中今之隱也爵在其中

吏不與姦罔期而姦罔自至賈豎不與不仁期而  
不仁自至嗚呼吏非被重刑不知姦罔之喪已賈  
豎非遭極禡不知不仁之害躬也夫易化而善者  
齊民也唯吏與賈豎難哉

人之肆其志者其如後患何

聖人能與人道不能與人志



嗚呼才望顯於時者殆哉一君子愛之百小人妬  
之一愛固不勝於百妬其為進也難

不以堯舜之心為君者具君也不以伊尹周公之  
心為臣者具臣也

造父善御不能御駑駘公輸善匠不能匠散木吾  
知夫不教之民也豈易御而易匠者哉陽貨者仲  
尼之駑駘也互鄉者仲尼之散木也

或曰子之道有以邁于人子之貌固不足加於衆  
噫何哉曰亦何易哉伊臯亦人矣孔穎亦人耳

不思而立言不知而定交吾其憚也

知道而不行知賢而不舉甚乎穿窬也夫盜也者不能盡一室如不行道足以喪身不舉賢足以亡國金貝珠璣非能言而利物者也至夫有國者寶之甚乎賢惜之過乎聖如失道而有亂國且輸人况夫金貝珠璣哉

聖人行道而守法賢人行法而守道衆人侮道而僨法古之決獄得民情也哀今之決獄得民情也喜哀者哀其化之不行喜之者喜其賞之必至周

公為天子下白屋之士今觀於一命之士接白屋之士斯禮遂亡悲夫幸君之急而見懲紕已之讎而為直因躬不好者而為廉因人不樂者以為正大人不由也

聖人之道猶坦途諸子之道猶斜逕坦途無不之也斜逕亦無不之也然適坦途者有津梁之斜逕者苦荆棘三王之世民知生而不知化五帝之世民知化而不知德

毀人者失其直譽人者失其實近於鄉原之人哉

憚勢而交人勢劣而交道息希利而友人利薄而友道退明君善全臣者不狎哲士善全友者不暱或曰我善治苑囿我善視禽獸我善用兵我善聚賦古之謂賊民今之謂賊臣

奸妨能害稼不能害人奸邪善害人害稼者有時而稔是不害也雖有祝鮀之佞宋朝之美其害人也

也可勝道哉  
或問君子之道何如則可以常行矣曰去四蔽用四正則可以常行矣曰何以言之見賢不能親聞

義不能伏當亂不能正當利不能節此之謂四蔽  
道不正不言禮不正不行文不正不修人不正不  
見此之謂四正鵠鸞不常見君子慕焉鸞鳩當覓  
小人捕焉噫君子之出處亦猶夫鵠鸞而已矣

不位而尊者曰道不僨而富者曰文噫吾將謂得  
時乎尊而驕者不為矣吾將謂失時乎富而安者  
吾為矣

或曰將處乎世如何則可以免乎謗曰去六邪用  
四尊則可矣曰何以言曰諫未深而謗君交未至

而責友居未安而罪國家不儉而罪歲道不高而  
凌貴志不定而羨富此之謂六邪也自尊其道堯  
舜不得而卑也自尊其親天下不得而詘也自尊  
其已孩孺不得而娛也自尊其志刀鋸不得而威  
也此之謂四尊也

愛雖至而不媒讐已危而不擠勢方盛而知是利  
正中而識已豈小人之能哉

以儉而獲罪猶遠乎奢以退而遇謗尚愈乎進弓  
箕之家生子而捨乎弓箕陶旒之家生子而捨乎

陶旒噫吾之道猶弓箕陶旒乎

自漢至今民產半入乎公者其唯桑弘羊孔僅乎  
衛青霍去病乎設遇聖天子吾知乎素孔不過乎  
賈豎衛霍不過乎士伍

古之殺人也怒今之殺人也笑

古之用賢也為國今之用賢也為家

古之酖管也為酒今之酖管也為人

古之置吏也將以逐盜今之置吏也將以為盜

或曰楊墨有道乎曰噫錢格塞皆有道也何啻乎

楊墨哉吾知夫今之人嗜楊墨之道者其一夫之  
族耳



皮日休文集卷第九

皮

目

皮日休文集卷第十

詩

三羞詩三首

其一并序

丙戌歲日休射策不上東退于肥陵出都門見朝  
列中論犯當權者得罪南竄卯詔辰發持法吏不  
容一息留私室視其色若將厭祿位悔名望者皮  
子闕之惻然泣衄然羞故作是詩養之

吾聞古君子介介勵其節入門疑儲宮撫已思鈇

錢忠者若不退休者何由達君臣一般膳家國共  
殘殺此道見於今永思心若裂王臣方蹇蹇位我  
無玷缺如何以謀計中道生芽孽憲司遵故典分  
道播南越蒼惶出班行家室不容別玄鬢行為霜  
清淚立成血乘遽劇飛鳥就傳過風發嗟吾何為  
者叨在進士列獻文不上第歸于淮之汭入蹇蹇  
可再犇退羽可後歇利則侶軒裳塞則友松月而  
於方寸未有是愁結未為祿食士俯不愧梁糲未  
為冠冕人死不慙忠烈如何有是心不能叩丹闕

赫赫負君歸南山採芝蕨

其二井序

日休放次于許傳舍聞叫吽之聲動于城郭問于道民民曰蠻圍我交趾奉詔徵許兵二千征之其征且再有戰皆歿其哭者許兵之屬嗚呼楊子不云夫朱崖之絕捐之之力也否則介鱗易我衣裳其是之謂耶皮子謂之內過曰吾之道不足以濟時不可以備位又手不提桴鼓身不被兵械恬然自順怡然自樂吾亦為許師之罪人耳作詩以吊

之

南荒不擇吏致我交趾履綿聯三四年流為中夏  
辱懦者聞即退武者兵則黠軍虜滿天下戰將多  
金玉刮則齊民癘分為猛士祿雄健許昌師忠武  
冠其族去為萬騎風住作一川肉昨朝殘卒回千  
門萬戶哭哀聲動閭里怨氣成山谷誰能聽晝顰  
不忍看金鏃吾有制勝術不奈殘碌碌貯之膏臆  
間慙見許師屬自嗟胡為者得躡前修躅家不出  
軍租身不識部曲亦水許師水亦食許師粟方知

古人道蔭我已為足念此向誰羞悠悠潁川綠

其三并序

丙戌歲淮右蝗旱日休寓小墅于州東下第後歸  
之見潁民轉徙者盈途塞陌至有父捨其子夫捐  
其妻行哭立丐朝去夕死嗚呼天地誠不仁耶皮  
子之山居掩有襲鏹有炊晏眠而夕飽朝樂而暮  
娛何能於潁川民而獨享是為將天地遺之耶因  
羞不自容作詩以唁之

天子丙戌年淮右民多飢就中潁之汭轉徙何纍

累夫婦相顧亡弃却抱中兒兄弟各自散出門如  
大癡一金易蘆蒿一縑換鳧茈荒村墓鳥樹空屋  
野花籬兒童翳草根倚桑空羸羸班白死路傍  
枕上皆離離方知聖人教於民良在斯厲能去人  
愛荒能奪人慈如何司牧者有術皆在茲粵吾何  
為人數畝清溪湄一寫落第文一家懽復嬉朝食  
有麥饘晨起有布衣一身既飽煖一家無怨咨家  
雖有畎畝手不秉鉷基歲雖有札瘥庖不廢晨炊  
何道以至是我有明公知食之以俟食衣之以俟

衣歸家卹金帛使我奉庭闈撫已愧賴民奚不進  
德為因茲感知己盡日空涕洟

七愛詩并序

皮子之志常以真純自許每謂立大化者必有真  
相以房杜為真相焉定大亂者必有真將以李大  
尉為真將焉傲大君者必有真隱以盧徵君為真  
隱焉鎮澆俗者必有真吏以元魯山為真吏焉負  
逸氣者必有真放以李翰林為真放焉為名臣者  
必有真才以白太傅為真才焉嗚呼吾之道時耶



行其事也。在乎愛忠矣。不時耶。行其事也。亦在乎  
愛忠矣。苟有心歌詠者。豈徒然哉。

房杜二相國

吾愛房與杜。貧賤共聯步。脫身拋亂世。策杖歸真  
主。縱橫幄中筭。左右天下務。骯髒無敵才。磊落不  
世遇。美矣名公卿。魁然真宰輔。黃閣三十年。清風  
一萬古。巨業照國史。大勲鎮王府。遂使後世民。至  
今受陶鑄。粵吾少有志。敢躡前賢路。苟得同其時。  
願為執鞭豎。

李太尉晟

吾愛李太尉崛起定中原  
驍雄十萬兵四面圍國  
門一戰收王畿一叱散妖氛  
乘輿既分正兇豎爭  
亡魂魏魏柱天功蕩蕩  
蓋世勲仁於曹孟德勇過  
霍將軍丹旆入

帑藏青史傳子孫所謂大丈夫  
動合驚乾坤所謂  
聖天子難得忠身臣下以契魚水  
上以合風雲百  
世必一亂千年方一人  
吾雖翰墨子氣既敢不群  
願以太平頌題向甘泉春

盧徵君鴻

吾愛盧徵君高卧嵩山裏百辟未一顧三徵方蹇  
起坦腹對宰相岸幘挹天子建禮門前吟金鑿殿  
裏醉天下皆哺糟徵君獨潔已天下皆樂聞徵君  
獨洗耳天下皆懷羞徵君獨多耻銀黃不妨懸赤  
綬不妨被而於心抱中獨作羲皇地籃輿一云返  
泥詔褒不已再看緹山雲重酌嵩陽水放曠書裏  
終逍遙醉中死吾謂伊與周不若徵君貴吾謂巢  
與許不若徵君義高名無階級逸迹絕涯沫萬世

唐書中逸名不可比粵自慕真隱強以骨肉累如  
教不為名敢有徵君志

元魯山

吾愛元紫芝清介如伯夷輦母遠之官宰邑無玷  
疵三年魯山民豐稔不暫飢三年魯山吏清慎各  
自持只飲魯山泉只採魯山薇一室冰蘖苦四遠  
聲光飛退歸舊隱來斗酒入茅茨鷄黍匪家畜琴  
樽常自怡盡日一菜食窮年一布衣清似匣中鏡  
直如琴上絃世無用賢人青山生白髭既卧黔婁

衾空立陳寔碑吾真魯山道空有魯山辭所恨不  
相識援筆空涕垂

李翰林白

吾愛李太白身是酒星魄口吐天上文跡作人間  
客磔砢千丈林澄澈萬尋碧醉中草樂府十幅筆  
一息召見承明廬天子親賜食醉曾吐御牀傲幾  
觸天澤權臣妬逸才心如斗筭窄失息出內署海  
岳甘自適刺謁戴叔倫赴宴著敕屐諸侯百步迎  
明君九天憶竟遭腐脅疾醉魄歸八極大鵬不可

籠大椿奇植蓬壺不可見  
姑射不可識五岳為辭  
鋒四溟作宵臆惜哉千萬年  
此俊不可得

白太傅居易

吾愛白樂天逸才生自然  
誰謂辭翰器乃是經綸  
賢歎從浮豔詩作得典誥  
篇立身百行之為文六  
藝全清望逸內署直聲  
驚諫垣所刺必有思所  
臨必可傳志形任詩酒寄  
傲遍林泉所望標文柄所  
希持化權何期遇訾毀中  
道多左遷天下皆汲汲  
樂天獨怡然天下皆悶悶  
樂天獨捨旃高吟辭兩

掖清嘯罷三川處世似孤鶴遺榮同脫蟬仕若不  
得志可為龜鑑焉

正樂府十篇

樂府盡古聖王採天下之詩欲以知國之利病民  
之休戚者也得之者命司樂氏入之於墳麓和之  
以管籥詩之美也聞之足以觀乎功詩之刺也聞  
之足以戒乎政故周禮太師之職掌教六詩小師  
之職掌諷誦詩由是觀之樂府之道大矣今之所  
謂樂府者唯以魏晉之侈麗陳梁之浮豔謂之樂

府詩真不然矣故嘗有可悲可懼者時宣於詠歌  
摠十篇故命曰正樂府詩

卒妻怨

河湟戍卒去一半多不迴家有半菽食身為一囊  
灰官吏按其籍伍中斥其妻處處魯人騷家家祀  
婦哀少者任所歸老者無所携况當札瘥年米粒  
如瓊瑰纍纍作餓殍見之心若摧其夫死鋒刃其  
室委塵埃其命即用矣其賞安在哉豈無黔敖恩  
救此窮餓骸誰知白屋士念此翻欵欵

於孩反



橡媪歎

秋深橡子熟，散落榛蕪崗。偃偃黃髮媪，拾之踐晨霜。移時始盈掬，盡日方滿筐。幾曝復幾蒸，用作三冬糧。山前有熟稻，紫穗襲人香。細穫又精舂，粒粒如玉。納于官私室，無倉廩如何。一石餘只作五斗量。不畏刑貪官，不避賊農時。作私債。農畢歸官倉，自冬及于春。橡實誑肌腸，吾聞田子詐。仁猶自王吁，嗟逢橡媪不覺淚霑裳。

貪官怨

國家省閹吏賞之皆與位素來不知書豈能精更  
理大者國宰邑小者皆尉史愚者若混沌毒者如  
雄虺傷哉堯舜民肉袒受鞭箠吾聞古聖王天下  
無遺士朝廷及下邑治者皆仁義國家選賢良定  
制兼拘忌所以用此徒令之充祿位何不廣取人  
何不廣歷試下位既賢哉上位何如矣胥徒賞以  
財俊造悉為吏天下若不平吾當甘弃市

農父謠

農父冤辛苦向我述其情雖將一人農可備十人

征如河江淮粟輓漕輸咸京黃河水如電一半沉  
與傾均輸利其事職司安敢評三川豈不農三輔  
豈不耕奚不車其粟用以供天兵羨哉農父言何  
計達王程

路臣恨

路臣何方來去馬真如龍行驕不動塵滿轡金籠  
恐有人自天來將避荆棘叢猙呼不覺止推下蒼  
黃中十夫制犁鞭策御之如鷺鴻日行六七郵督若  
鷹無緹路臣慎勿愬愬則刑爾躬軍期方似雨天

命正如風七雄戰爭時賓旅猶自通如何太平世  
動步却途窮

賤貢士

南越貢珠璣西蜀進羅綺到京未晨旦一見天子  
如何賢與俊為貢賤如此所知不可求敢望前席  
事吾聞古聖人射官親選士不肖盡屏迹賢能皆  
得位所以謂得人所以稱多士歎息幾編書時哉  
又何異

頌夷臣

夷師本學外仍善唐文字無人本尚捨何況夷臣  
事所以不學者反為夷臣戲所以尸祿人反為夷  
臣忌吁嗟華風表何嘗不由是

惜義鳥

商須多義鳥義鳥實可嗟危巢半累累隱在栲  
木花他巢若有鷦乳之如一家他巢若遭捕投之  
同一羅商人每秋貢所貴復如何飽以稻梁滋飾  
以組繡華惜哉仁義禽委戲於宮娥吾聞鳳之貴  
仁義亦是琴所以不遭捕蓋緣生不多

誚虛器

襄陽作髹器安有庫露真持以遺北虜結云生有神每歲走其使所費如雲屯吾聞古聖王修德來遠人未聞作巧詐用欺禽獸君吾道尚如此戒心安是云如何漢宣帝却得呼韓臣

哀隴民

隴山千萬仞鸚鵡巢其巔窮危又極嶮其山猶不全蚩蚩隴之民懸度如登天空中覘其巢陰者爭紛然百禽不得一十人九死焉隴川有戍卒戍卒

亦不閑將命提雕籠直到金臺前彼毛不自珍彼  
舌不自言胡為輕人命奉此玩好端吾聞古聖王  
珍禽皆捨旃今此隴民屬每歲啼漣漣

雜古詩十六首

奉獻致政裴秘監

何胤本徵士高情動天地既與閔門常嫌冠冕  
累宰邑著嘉政為郡自高致移官在書府方樂鴛  
池貴玉季牧江西泣之不忍離捨杖隨之去天下  
欽高義烏帽白絺衣籃輿竹如意黃菊陶潛酒青

山謝公妓月檻詠詩情花溪釣魚戲鍾陵既方舟  
魏闕將結駟甘求白首閒不為蒼生起優詔加大  
監所以符公議既為逍遙公又為鳩夷子安車懸  
不出駟馬閒無事微雨漢陂舟殘日終南騎富貴  
盡凌雲何人能至此猜禍皆及身何復至如是賢  
哉此丈夫百世一人矣

秋夜有懷

夢裏憂身泣覺來水尚濕骨肉煎我心不是謀  
生急如何欲佐王功名未成立處世既孤特傳家



無承襲明朝走梁楚步步出門澁如何一寸心千  
愁萬愁入

喜鵲

弃羶在庭際雙鵲來搖尾欲啄怕人驚喜語晴花  
裏何況佞倖人微禽解如此

蚊子

隱隱聚若雷嗜膚不知足皇天若不平微物教食  
肉貧士與絳紗忍苦卧茅屋何事覓膏腴腹無  
太倉粟

鹿門夏首

滿院松桂陰日午却不知山人睡一覺庭鵲立未  
移出簷趨雲去忘戴白接離書眼若薄霧酒腸如  
漏卮身外所勞者飲食須自持何如便絕粒直使  
身無為

偶書

女媧掉繩索絙泥成下人至今頑愚者生如土偶  
身雲物養吾道天爵高我貧大笑猗氏輩為富皆  
不仁

讀書

家資是何物積帙列梁椽高齋曉開卷獨共聖人  
語英賢雖異世自古心相許案頭見蠹魚猶勝凡  
儔侶

貧居秋日

亭午頭未冠端坐獨愁予貧家煙爨稀竈底陰虫  
語門小愧車馬廩空慙雀鼠盡室未寒衣機聲羨  
隣女

閒夜酒醒

醒來山月高孤枕群書裏酒渴謾思茶山童呼不起

秋江曉望

萬頃胡天碧一星飛露白此時放懷望不厭為浮客

旅舍除夜

永夜誰能守羈心不放眼挑燈猶故歲聽角已新年出谷空嗟晚街盃尚愧先曉來辭逆旅雪涕野槐天

過雲居院玄福上人舊居

重到雲居獨悄然，隔窻窺影尚疑然。  
不逢野老來聽法，猶見隣僧為引泉。  
龕上已生新石耳，壁間空帶舊茶煙。  
南京弟子時時到，泣把山花奠几筵。

陪江西裴公遊襄州延慶寺

丹霄路上歇征輪，勝地偷閒一日身。  
不署前驅驪野鳥，唯將後乘載詩人。  
崑邊候吏雲遮却，竹下朝衣露滴新。  
更向碧山深處問，不妨猶有草茅臣。

西塞山泊渙家

白綸中下髮如絲靜倚楓根坐釣磯中婦棄村桃  
葉去小兒沙市買蓑歸雨來蓴菜流船滑春後鱸  
魚墜釣肥西塞山前終日客隔波相羨盡依依

襄州春遊

信馬騰騰觸處行春風相引與詩情等閑遇事成  
歌詠取次衝筵隱姓名映柳認人多錯誤透花窺  
鳥最分明岑牟單絞何曾著莫道猖狂似禰衡

送從弟歸復州

羨爾優游正少年竟陵煙月似吳天車螯近岸無

妨取舴艋隨風不費牽處處路傍千頃稻家家門  
外一渠蓮慙慙莫笑襄陽佳為愛南游縮頭鱸

皮子世錄

皮子之先蓋鄭公之苗裔賢大夫子皮之後在戰  
國及秦時無譜牒可考自漢至唐其英雄賢俊在  
位者往往有焉前漢時名容者以善為容官至大  
夫後漢時名巡者為太監令三國時無聞焉晉朝  
名初者為襄陽太守名京者為賢處士宋朝名熙  
祖者與徐廣論議符王世名審者為堅侍郎後魏

世名豹子者為魏名將子道明襲爵弟喜為使  
持節侍中都督秦雍梁益諸軍事大將軍仇池鎮  
將假公如故喜以戰守之功累加勳爵後轉散騎  
常侍安南將軍豫州刺史卒于承宗爵喜弟雙仁  
冠軍將軍仇池鎮將北齊時名景和者以功大官  
封王名延宗者為黃門侍郎隋朝名子信者為刺  
史至于吾唐汨汨於民間無能以文取位唯從祖  
翁諱瑕故舉進士有名以剛柔不合時受蜀聘為  
幕府累官至刺史從翁諱行修明經及第累官至



項城令以盜不發貶州掾卒時日休之世以遠祖  
襄陽太守子孫因家襄陽之竟陵世世為襄陽人  
自有唐已來或農竟陵或隱鹿門皆不抱冠冕以  
至皮子嗚呼聖賢命世世不賤不足以立志不卑  
不足以立名是知老子產於厲鄉仲尼生於闕里  
苟使李乾早胎老子豈降叔梁早胤仲尼不生賢  
既家有不足為立大功致大化振大名者其在斯  
乎